

東華續錄

嘉慶二十九年

臣先王謙敬編

臣周潤  
綸  
恭校

嘉慶十五年庚午春正月丙辰朔以瑞雪時晴予在京文武官員  
加級紀錄有差○丙寅諭本日據祿康奏懇將失蔡書吏冒領庫  
項降革司員槩予捐復此不可行該員等甫經部議若遽令捐復  
原官非惟不足示懲抑且迹言涉利有此政體乎但向來內務府  
降調人員仍留本衙門補用此案戶工二部司員同時降調者甚  
多伊等獲咎尚屬因公除革職治罪各員無庸議外其降調各員  
著加恩比照內務府之例准其各留本部行走以所降之級遇有  
相當缺出酌量奏補○己巳諭向來分部行走人員三年期滿例  
應由該部堂官秉公考察分別去留原爲覈實程材之道經朕簡

次降旨諄諄訓飭乃近日各部院堂官於學習人員報滿時往往以該員等行走已歷三年一經撤汰未免觴望遂爾堅行保留藉以沽名釣譽殊不思各部院大臣經理政務自應綜覈名實以公事爲重各司員有分理庶事之責總當視其人之才具能否勝任不可曲徇人情多爲遷就且該員等甄別改用之後亦尙有官可補不至終於廢棄又何所用其瞻顧耶嗣後各該堂官務於行走人員隨時留心察看報滿時將應去應留秉公覈實甄別毋涉冒濫以副朕激敘官方至意○庚午諭軍機大臣等百齡奏派員出關傳詢南掌國會長召溫猛出奔遷徙情形一摺據稱召溫猛異懦無能不克繼承錫命不卽聲罪已足示矜恤亡酋今流寓夷邦止可聽其去住等語所見甚是召溫猛前於乾隆五十九年請討時已在播遷之際迫祇受敕印後又未能返其國都力圖懷養止

在外潛匿流徙越南國境且於召蛇榮設謀索害時倉卒逃遁竟致遺棄敕印似此懦弱不振豈能復掌國事伊旣與阮福映有舊自應聽其在越南國居住著百齡傳諭阮福映以召溫猛旣受錫封不克自立展轉播遷襲棄天朝敕印本有應得之罪姑念其流離失所不加聲責但內地不應收留應聽越南國自有安置至所稱南掌國於嘉慶五年十年進貢係何人僞託請交滇省督臣查覆一節該國虔修職貢有年並無得罪天朝之處此時亦可不必逐細追究也○辛未刑部侍郎金應琦以巡撫山西時失察屬員貪劣降三品京堂○乙亥增購東廣州駐防漢軍養育兵一千一百餘名○以兵部尚書劉權之協辦大學士○以德泰爲廣西按察使由員外郎遷○丁丑調秦瀛爲刑部右侍郎轉萬承恩爲兵部左侍郎以費淳爲兵部右侍郎○庚辰命勒保爲武英殿大學士○

辛巳諭刑部等衙門奏審擬王府太監李來喜串通書友韓振邦  
捏造匿名揭帖訛詐本府親王一案近日諸王咸知謹守法度不  
敢驕縱妄爲莊親王縣課人亦謹飭此案太監李來喜係其本府  
家奴膽敢因貧起意憑空捏造姦私重情勾結外人向本府親王  
訛索實屬刁惡異常且據供縣課素日並無將伊磨折酷虐情事  
而該犯任情反噬干名犯義莫此爲甚國家紀綱嚴肅如王等實  
有違禁亂法款蹟經大臣科道糾參自必按法懲治若以奴告主  
名分攸關律嚴犯上從前乾隆年間縣德與秦雄靈結交經太監  
王忠卿匿名訐告訊問屬實 皇考高宗純皇帝將縣德治罪仍  
將王忠卿按律絞決今李來喜造言污蔑縣課各款審係全屬情  
罪尤重李來喜著卽處絞派刑部侍郎朱理前往監視先將該犯  
於法場重責三十板再行正法並著親郡王等各將本府太監內

擇素不馴良者一二人遣往環觀俾知儆懼至韓振邦兄充都察院衙門書吏平日與王府太監交往已屬不安本分茲復敢朋謀句結編造匿名揭帖徑詣王府訛索親王不法已極近來部院各衙門書吏目無法紀作奸犯科肆無忌憚上年甫經辦理王書常等冒領庫款一案乃爲時未久又有此奸肯圖詐之事可見伊等刁猾性成警不畏法不可不嚴辦示懲原擬韓振邦著卽照投隱匿姓名文書告言人罪絞監候律絞監候秋後處決餘依議○申論軍機大臣等前因江南吏治民風積習因循必須大加整頓松筠居心公正辦事認真是以特由陝甘簡調前往該督管理三省事務殷繁一切察吏安民整頓營伍以及漕河鹽關等事無一不歸統轄則無一不應經理河工特係所管一事以職任而論則總河係屬專辦總督止係兼管以見在情形而言則吳祿徐端經

理河務有年尙無把握松筠焉能如伊等之熟練詎可師心自用乎松筠惟當於河督呼應不靈之處協力幫助不免掣肘設其辦理不妥則隨時查察糾劾至於應辦事宜惟有與之和衷商榷廣咨博採期於相與有成今松筠甫入江境未經履勘河工卽有前日引沁入衛之奏朕披閱時卽覺其事有格礙因其既有此議姑發河東總督等詳悉議奏本日閱陳鳳翔覆奏之摺詳查舊案敘述形勢甚爲明晰從前康熙六十年及乾隆元年均曾有此議俱經彼時熟習河工之大員勘明停止且彼時亦僅欲引沁入衛若依松筠所奏是又欲於入衛之後引之自北而南以圖濟運此無論沁水挾沙帶泥慮致淤墊並沁隄衝決之後有礙各處田廬且以地勢而言又豈能強令南趨非但多糜帑金亦斷無此辦法松筠或係誤聽人言不加詳察率爾陳奏所見甚左此時南河正當

喫緊之時設松筠到彼均如此誤出主見而吳璈等見伊係特簡調任之人亦卽讓其主持觀望推諉一有貽誤則松筠之獲戾甚重彼時卽加以懲治於公事又奚益乎松筠前奏冒昧著傳旨申飭嗣後河工事務自當由河督專政伊隨時悉心商酌妥協共濟期於經理有益將此各傳諭知之

二月己丑 上御經筵○諭向例臨御經筵升殿及宜講後講官同侍班各官均於文華殿丹墀內行二跪六叩禮丹墀中亘甬道兩旁行禮之處殿內不能俯矚嗣後著改於丹陛上分左右行禮○辛卯諭三載考績爲朝廷激揚大典每屆京察之期擇其勤奮供職者施恩予以甄敘各大臣三年中偶有小過原可置之不論而其疏忽尤甚者亦不可不加以儆惕本年京察吏部開列在京各部院大臣各省督撫名單請旨甄別朕詳加酌覈所有上居京

察曾經議敘之大學士軍機大臣等所管三庫及戶工等衙門於書吏王書常等假印冒領庫銀物料一案全無覺察非尋常玩忽可比慶桂董誥戴衢亨托津均著無庸議敘其各部院大臣亦多係獲咎加恩原宥之人並著無庸議敘內除長麟一員患病日久已另降諭旨開缺外餘俱著照舊供職至兵部尚書明亮舊有勞績此三年內伊所管兵部並無失察滋弊之處今在京各大員均未議敘亦不必將伊一人特予甄敘伊曾經三次得過雙眼花翎俱因事拔去念其數年無過仍著加恩賞戴雙眼花翎以示眷注大學士四川總督勒保久任封圻辦事鎮靜兩廣總督百齡辦理洋匪勦撫得宜日有起色福建巡撫張師誠於海洋嚴斷接濟實心經理均著加恩交部議敘餘俱著照舊供職○諭長麟上年夏間感患目疾請假調理自朕啟蹕至熱河回鑾尚未就痊供職節

經降旨給假調養迨至冬間又經格外賞假兩月扣至本年二月初三日卽已假滿近日詢問伊兄長琇尙稱長麟睡人已見充足初四五日便可生光屆期仍未見效朕於長麟目疾展轉賞假業經半載有餘原係體恤大臣恩意然在長麟自應以職任爲重陳請開缺乃日久遷延支節殊乖大臣以誠事君之道卽如本日博興以患病兩旬恐誤職守奏請解任調理朕方加之憐憫不肯遽令開缺刑部事務較繁更非理藩院可比伊二人一則念切急公一則意存戀職顯而易見長麟著卽開缺在家靜養如果目疾一切復元朕必賞給差使所有刑部尙書員缺著瑚圖禮調補其吏部尙書員缺著秀林調補所遺工部尙書員缺著托津補授托津未到京以前其工部尙書事務仍著秀林兼署○轉亥和爲戶部左侍郎調桂芳爲戶部右侍郎榮麟爲吏部右侍郎馬慧裕爲工

部右侍郎以賈驥爲盛京戶部侍郎

山內閣學士遷

○甲午以趙宜喜爲

河南按察使

由江蘇常鎮通海道遷

○丙申命大學士勒保來京供職以常

明爲四川總督調同興爲湖北巡撫賞孫玉庭三品頂帶爲雲南

巡撫

由翰林院編修遷

○戊戌諭近來升擢各員均於謝恩召對後方換

新銜頂帶因思廢員內有本無頂帶見在加恩錄用者若於謝恩

召對時不用頂帶進內行走殊於體制未協嗣後如無頂帶之廢

員經朕擢用著卽用新銜頂帶赴宮門謝恩儻遇朕赴園進宮及

傳膳辦事之日俱於道旁擁頭後再用頂帶像備召對著爲令○

乙巳諭向來壇廟大典其陪祀及執事之王公文武大員於

穿孝期內或仍當差或竟行停止未能畫一卽如太常寺官員於

乾隆年間奏明因執事乏人穿孝百日後照常供奉祭祀見在兼

光祿寺之成書又因三年服制未滿不恭捧福胙若以將事遠近

有所區別而唱贊福胙皆屬切近差使何以即有參差若以太常寺嫺習禮儀之人較少而色克精額胙在家穿孝恭值祀典並未見讀祝之員至會典開載官員有服制者俱不齋戒陪祀而御前乾清門大臣侍衛等並不上壇仍行扈從若應在家守制而率意當差者即爲越禮若本應當差而在家不出者即爲偷安種種歧異殊於體制未協著大學士會同禮部悉心妥議章程具奏尋議奏定制旗員子爲父母承重孫爲祖父母皆在家持服二十七日凡穿朝服等處停其行走今在壇在廟無不朝服將事視朝會宴饗禮數有加若二十七日內即令其執事行走實與定制未符又文武各官有期以下服皆不與不獨三年之服爲然嗣後太常寺有服人員應行回避之處請與各衙門畫一辦理惟期服人員未便輟陪祀官一例請改爲兩月不與祭其大功以下

仍照舊例得旨此後恭遇 郊廟大典卽不上 壇入 殿之

員其持服未滿二十七月者亦一體不穿朝服毋庸扈從前往止

穿蟒袍補服送迎餘依議○丁未以多福爲內閣學士

山副都統遷

○

己酉諭本日朕恭閱

世宗憲皇帝實錄內載雍正五年二月二

十三日

諭旨敬覽

聖祖仁皇帝實錄內康熙五十一年奉

旨山東民人出口種地者多至十萬有餘伊等皆朕黎民既到口

外種地生理若不容留令伊等何往但不互相對閱查明將來俱

爲蒙古矣嗣後山東民人有到口外種地者該撫查明年貌籍貫

造冊移送稽查由口外回山東去者亦查明造冊移送該撫覆閱

稽查等因此事今向行否其直隸山西民人有往口外種地者亦

照此例行否著大學士等查奏等因欽此嗣經廷臣查奏以口外

種地民人於雍正元年二年三年陸續設古北口張家口歸化城

三同知管理但地方遼闊各該同知所轄恐有遺漏應令直隸山西督撫查明酌量分交管理並飭三路同知各按所管地方將寄居民人與種地民人查明姓名籍貫造冊咨查各本籍仍令各省州縣將所有出口種地民人記檔以備日後查對嗣後再有出口種地之人俱著該同知一面安插一面移咨本籍查無過犯逃遁等情准其居住耕種年終造冊報部等語當蒙 允准施行因思口外各蒙古部落種地民人在 聖祖仁皇帝 世宗憲皇帝時已因其人數繁多屢經 降旨設官管理立法稽查迄今又將及百年內地民人生齒日繁出口謀生者益復加增即原先出口之人亦復滋息日多其自雍正年間添設同知以後見又增設官若干員各寄居種地民人見在作何稽查遇有民人出口者各該地方是否記檔該口外官員等是否將有無過犯等情咨查本籍再

行安插年終是否造冊報部著該部查明覆奏尋戶部奏查古北口張家口歸化城自雍正年間設立三同知管理以後歸化城種地民人由該同知通判各據所管地畧照編造保甲之例每年將舊存新到及回籍病故人數各若干註明係何州縣民人造冊咨送臣部查覈除嘉慶十四年人數尚未造報外計十三年分實在民人四千九百餘名古北口以外灤平豐甯二縣向係土著民人按冊輸糧熱河迤北一帶係蒙古外藩游牧處所自乾隆四十三年改設州縣以後民人集聚漸多山陝平原盡行開墾均向蒙古輪租有家貲稍裕搬移眷屬者亦有偶值歉收投親覓食者張家口地方偏僻關外東西兩溝雖有山坡墾種地畝無多數十里外卽係游牧草地並無可開墾亦無村落商販往來俱由都統衙門給與照票其餘隻身出入民人亦俱取具關內鋪戶保狀方准放

行此山西撫臣造報臣部各關口造報兵部查覈之原委也至古北口張家口外寄居種地民人見在作何稽查未據咨報口外官員等是否將有無過犯等情咨查原籍再行安插之處歸化城並古北張家二口外均未咨報應請旨敕交直隸總督山西巡撫查明妥爲安置按年造冊報部查覈從之○庚戌諭前據山東河東道劉大觀參奏初彭齡在山西巡撫任內任性乖張各款特派托津穆克登額前往查辦並令初彭齡回至山西聽候質詢茲據托津等按款確查分別虛實各取親供進呈請將初彭齡交部嚴加議處劉大觀交部議處並其餘案犯一併定擬具奏朕詳加酌覈尙有未盡平允者上年金應琦患病請假派令初彭齡前往署理山西巡撫伊陞辭時朕並未降旨令其密查金應琦任內有何款蹟乃伊到晉之後遇事摻求動形白簡計前後數月所參司道府

縣等官爲數實屬不少其中固有實在應參者而其偏執己見任情憎惡率行糾參者亦正不免今閱托津等查奏各款其最甚者如金應琦查看號簿卽行嗾斥一款試思金應琦不過暫時患病之員並非解任去官不應妄行干與者可比伊查看號簿正係留心公事初彭齡自應將應辦之事與之商榷方爲和衷集益何至遽加憎惡甚至向司道前指斥其非是其居心實屬褊淺至於試用知縣陶榮淦之死固緣贓私敗露畏罪輕生而該員身係職官何得隱而不奏此一節亦屬疏漏且旣知朱錫庚辦事不妥已向司道告知並不卽時參辦不免有瞻徇情事初彭齡著照托津等所奏交部嚴加議處仍令回陝西本任聽候部議俟議上時再降諭旨至河東道劉大觀參奏初彭齡各款其最重者如稱初彭齡刪減諭旨一事如果屬實則初彭齡之罪甚大見在查明初彭齡

上年奏請將伊門生徐承慶升補汾州府時於接奉申飭諭旨後當經給署藩司劉大觀臬司積昉阿公同閱看不過行司札內未經鈔黏止於遺漏實無刪減諛旨情事又所稱陶榮淦之死因初彭齡偏聽朱錫庚之言撤回省城欲行參革旋至自縊一節如果屬實案關重大今查明陶榮淦委係畏罪自盡是所告重事均屬不實又如所參平定州徐承慶虧空一事見據劉大觀自稱前次得自風聞此時會同盤查方知不實等語伊以本省之官言本省之事何得隨意入奏諉之風聞乎劉大觀於初彭齡分居僚屬當初彭齡在山西時既覺其辦事乖謬卽當隨時勸阻乃不面加匡正轉一一默誌其短待其去任之後加以參劾此非因初彭齡有將伊劾奏之處借此報復卽係省怨恨初彭齡之人紛紛向其慫恿伊遂不顧虛實冒昧臆參此等攻訐上官之風亦不可長托